

北京圖書館 編

北京圖書館藏珍本
年譜叢刊

第 32 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 32 冊



第三十二冊目錄

象山先生年譜		一
象山先生年譜		一七三
陸象山年譜節要		三三九
陸文安公年譜		四〇九
稼軒先生年譜		五三三
稼軒先生年譜		五五五
慈湖先生年譜卷一		六五五

象山先生全集卷之三十六

臨川後學李 綬點次

楚陂後學周統齡重校
槐堂書齋裔孫邦瑞刊

年譜

先生諱九淵。字子靜。姓陸氏。陸出媯姓。周武王封媯
滿於陳。春秋時。陳公子散仲適齊。別其氏曰田。後田
氏有齊。至宣王時。封其少子通於平原。般縣。陸鄉。又
別其氏爲陸。通曾孫烈爲吳令。子孫遂爲吳郡吳縣
人。烈三十九世。至希聲。論著甚多。晚歲相唐昭宗。卒
謚文公。生六子。次子崇。生德遷。五代末。避地於撫州。

金谿解囊中資。裝置田治生。黃高閭里。爲金谿陸氏之祖。居延福鄉之青園。第四子諱有程。先生高祖也。博學於書。無所不觀。曾祖諱演。能世其業。寬厚有容。祖戩爲第四子。趨向清高。不治生產。考諱賀。字道鄉。生有異稟。端重不伐。究心典籍。見於躬行。酌先儒冠婚喪祭之禮。行於家。不用異教。家道整肅。著聞于宇內。贈宣教郎。生六子。長九思。字子疆。與鄉舉。封從政郎。弟梭山撰行狀。有家問。朱子爲跋。畧云。家問所以訓飭其子孫者。不以不得科第爲

病而深以不識禮義爲憂。其慙懃切。反覆曉譬。說盡事理。無一毫勉強綠飾之意。而慈祥篤實之氣。藹然諷味。數四不能釋手云。

次九敘字子儀。公正通敏。時賢稱曰處士。善治生。總藥肆以足其家。先生撰墓表。次九臯字子昭。少力學。文行俱優。與鄉舉。晚得官。終修職郎。監潭州南嶽廟。名齋曰庸。學者號庸齋先生。有文集。先生撰墓表。次九韶字子美。不事場屋。兄弟共講古學。與朱元晦友善。首言太極圖說非正。又因其奏立社倉之制行於

鄉民甚德之。與學者講學於近地名梭山。梭山在金谿陸氏義門之東是也。號曰梭山居士。諸司列薦以居士應詔舉遺逸。臨終自撰終禮戒。不得銘墓。有文集曰梭山日記。

中有居家正本及制用各二篇

次九齡字子壽。生而穎悟。能步移。則容止有法。少有大志。浩博無涯。嘗與鄉舉補入太學。已負重名。知名士無不尊師之。登進士第。授桂楊教授。以不便迎侍。陳乞不赴。改興國教授。未滿丁艱。服除。授全州教

高商老浙江
諸君人今處
以府登進士
知事文安公
最爲

授未上而卒爲時儒宗。道德繫天下重望特贈朝奉
郎直秘閣。賜謚文達。名齋曰復。學者稱復齋先生。有
文集行於世。

嘉定間撫州守高商老刊文集於郡治自爲序
先生狀其行呂成公銘其墓朱文公書其碑。次則先
生與復齋先生齊名。稱爲江西二陸。以比河南二程。
謹序次家世本末大畧於此。而先生之道德事功則
表年以繫之於后云。高宗紹興九年己未二月乙亥
辰時先生始生。

紹興十年庚申先生二歲

紹興十一年辛酉先生三歲。幼不戲弄。

冬十一月十五日母孺人饒氏卒。塋鄉之楊美嶺。

紹興十二年壬戌先生四歲。靜重如成人。

常侍宣教公行。遇事物必致問。一日忽問天地何所。竊際公笑而不答。遂深思至忘寢食。總角卽經夕不寐。不脫衣履。有弊而無壞。指甲甚脩。足跡未嘗至庖厨。常自灑掃林下。宴坐終日。立於門。過者駐望稱歎。以其端莊雍容異常兒。

紹興十三年癸亥先生五歲入學讀書紙隅無捲摺
紹興十四年甲子先生六歲

侍親會嘉禮衣以華好却不受季兄復齋先生年
十三舉禮經以告乃受

紹興十五年乙丑先生七歲得鄉譽

嘗云某七八歲時常得鄉譽只是莊敬自持心不
愛戲

紹興十六年丙寅先生八歲

讀論語學而卽疑有子三章及看孟子到曾子不

肯師事有子。至江漢以濯之。秋陽以暴之。等語。因歎曾子見得聖人高明潔白如此。又邛角時聞人誦伊川語云。伊川之言。奚爲與孔孟之言不類。蓋生而清明有如此者。梭山嘗云。子靜弟高明自幼已不同。遇事逐物。皆有省發。嘗聞鼓聲振動。窓櫺亦豁然有覺。其進學每如此。

紹興十七年丁卯先生九歲。

善屬文。包敏道祭文云。九歲屬文能自達。

紹興十八年戊辰先生十歲。

復齋入郡庠。侍諸兄誦講。衣冠未嘗解弛。先生往侍學焉。文雅雍容。衆咸驚異。有老儒謂前廊吳茂榮曰。君有愛女。欲得佳壻。無踰此郎。因以爲媿。

紹興十九年己巳。先生十一歲。讀書有覺。

從幼讀書。便著意。未嘗放過。外視雖若閑暇。實勤攷索。伯兄總家務。嘗夜分起。見先生觀書。或秉燭檢書最會。一見便有疑。一疑便有覺。後嘗語學者曰。小疑則小進。大疑則大進。嘗云。向與復齋家兄讀書。疎山寺止。是一部論語。更無他書。或問。曾見

先生將聖人與門人語分門。各自錄作一處看。先生曰。此是幼小時事。

紹興二十年庚午。先生十二歲。

紹興二十一年辛未。先生十三歲。因宇宙字義。篤志聖學。

與李侍郎及權郡書。皆云。十三志古人之學。先生自三四歲時。思天地何所窺際。不得。至於不食。宣教公呵之。遂姑置。而胸中之疑。終在。後十餘歲。因讀古書。至宇宙二字。解者曰。四方上下曰宇。往古

來今日宙。忽大省曰。元來無窮。人與天地萬物。皆在無窮之中者也。乃援筆書曰。宇宙內事。乃已分內事。已分內事。乃宇宙內事。又曰。宇宙便是吾心。吾心卽是宇宙。東海有聖人出焉。此心同也。此理同也。南海同也。西海有聖人出焉。此心同也。此理同也。北海有聖人出焉。此心同也。此理同也。千百世之上。至千百世之下。有聖人出焉。此心此理。亦莫不同也。故其啓悟學者。多及宇宙二字。如曰道塞宇宙。非有所隱遁。在天曰陰陽。在地曰剛柔。在人曰

仁義仁義者人之本心也。又曰是理克塞宇宙。天地順此而動。故日月不遷而四時不忒。聖人順此而動。故刑罰清而民服。又曰此理塞宇宙。誰能逃之。順之則吉。逆之則凶。又曰宇宙不曾限隔人。人自限隔宇宙。是年復齋因讀論語。命先生近前問云。看有子一章如何。先生曰。此有子之言。非夫子之言。復齋曰。孔門除却曾子。便到有子。未可輕議。先生曰。夫子之言簡易。有子之言支離。復齋嘗於窓下讀程易。至艮其背四句。反覆誦讀不已。先生

偶過其前。復齋問曰。汝看程正叔此段如何。先生曰。終是不直截明白。良其背不獲其身。無我行其庭。不見其人。無物。復齋大喜。

紹興二十二年壬申。先生十四歲。

與涂任伯書曰。某氣質素弱。年十四五。手足未嘗溫暖。後以稍知所向。體力亦隨壯也。嘗云。吾於踐履未能純一。然才自警策。便與天地相似。

紹興二十三年癸酉。先生十五歲。

初夏。侍長上郊行。分韻得偕字。詩云。講習豈無樂。

卷之三
鑽磨未有涯。書非貴口誦。學必到心齋。酒可陶吾性。詩堪述所懷。誰言曾點志。吾得與之偕。

紹興二十四年甲戌先生十六歲

讀三國六朝史。見夷狄亂華。又聞長上道靖康之事。乃剪去指爪。學弓馬。然胷中與人異。未嘗失了。嘗云。做得工夫實。則所說卽實事。所指人病卽實病。又云。吾人讀春秋。知中國夷狄之辨。二聖之讐。豈可不復。所欲有甚於生。所惡有甚於死。今吾人高居優游。亦可爲耻。乃懷安。非懷義也。此皆是實。